



Qeqqata Kommunia

Qimmeqarneq pillugu Qeqqata Kommuniata maleruqqusassaatusiunnersuut

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersumi § 13-imi imm. 1, Inatsisartut inatsisaatigut nr. 24, 28. novembari 2016-meersukkut kiisalu Kommunit qimmit qitsuillu pillugit ileqqoreqqusaat pillugit Namminersornerullutik Oqartussat nalunaarutaat nr. 15, 19. juni 2003-meersumut allanngortinneqartumi aalajangerneqarpoq:

Kapitali 1

Atuuffeqarfiat

§ 1. Ileqqoreqqusaq una Qeqqata Kommuniani qimmeqarneq pillugu atuuttuuvoq.
Imm. 2. Kommunimi immikkoortorta qimmeqarfimmit ilaatinneqarnersoq qimmit qimuttut pillugit inatsimi sukkuulluunniit atuuttuusumi nassuiarneqarpoq.

Kapitali 2

Nalinginnaasumik aalajangersakkat

Qimmilivinnik nalunaarsuineq

§ 2. Qimmiutilik qimmit pillugit nuna tamakkerlugu uumasunut nalunaarsuisarfimmi nalunaarsortinneqarnissaanut akisussasuumut kommunalbestyrelsimut nalunaaruteqassaaq.
Imm. 2. Piginnittunut pissutsit allanngortillugit qimmerluunniit toquppat, qimmiutillip tamanna ullut 30 iluanni kommunalbestyrelsimut nalunaarutigissavaa.

Qimmilerisoq

§ 3. Naalackersuisunit ilinniartinneqartussamik akuerineqartussamillu qimmilerisumik ataatsimik arlalinnilluunniit kommunalbestyrelsi toqqaassaaq.
Imm. 2. Akiussusersuinissamat, qimmip kinaassusaanut ilisarnaasersuinissamat, tigusinissamat toqutsinissamullu qimmilerisoq akisussaasuvoq kiisalu qimmiliveqarneq pillugu inatsimmut sukkuulluunniit atuuttuusumut kommunip malitsitsinissaanut attuumassutilinni kommunalbestyrelsimut pineqartup peqquneqartarnissaanut.

Akiussutissiineq kinaassutsimillu ilisarnaasersuineq

§ 4. Inatsimmut sukulluunniit atuuttuusumut naapertuuttumik pineqartup qimmerisaa akiussutissamik kapitinneqarsimanissaanut kinaassusaanullu ilisarnaateqarnissaanut qimmimik piginnittoq qulakkeerinnissaaq.

Imm. 2. Qimmilerisup nuna tamakkerlugu uumasunut paasissutissanut katersuivimmi akiussutissamik kapitissimaneq kinaassutsimillu ilisaarnaatip normua nalunaarsussavaa. Akiussutissamik kapitissimanermut uppersaataasutut nalunaarsuinerup assilineranik qimmimik piginnittoq qinnuiginnissuteqarsinnaavoq.

Inissisimaffia

§ 5. Nammineq illoqarnermi qimminik marlunnik qaammatit arfinillit sinnerlugit utoqqaassusilinnik qaammatit arfinillit tikillugit utoqqaassusilinnik namminneq piaralinnik inissiisoqarsinnaavoq. Qimmit eqqaamiorisat innuttaasulluunniit allat aqqusinernik, pisuinnaat aqqutaannik, majuartarfinnik illugisamulluunniit, suliffeqarfimmut, pisinarfimmut, paaqqinnittarfimmut assigisaanulluunniit atuisinnaatitaaffiannut akornusersuutaassanngillat.

Imm. 2. Imm. 1 malillugu qimmit akornusersuutaanersut pillugit kommunalbestyrelsi aalajangiissaaq qimmimillu piginnittoq qimmit inissisimaffimmut allamut nuunneqarnissaannik peqqussuteqarsinnaalluni.

Tigusiniarnerit toqutsinerillu

§ 6. Qimmit pitussimanngitsut tiguneqassapput aammalu kommunip qimminut inissiisarfiani qimmilerisumit paarineqarluni akunnernilu 72-ini inuit naapittarfiisigut inuttassarsiuunneqassallutik Qimmeq aaneqanngippat qimmiutilimmilluunniit tigussaasumik isumaqatigiissutqarfiup kingorna piffissaliussaq sivitorneqarsimanngippat, qimmeq piginnittumut allamut nalunaarsorneqarsinnaavoq piginnittumulluunniit taarsiissuteqartussaataaannngitsumik toqunneqarluni.

Imm. 2. Qimmeq pituussaarsimasoq tiguneqarsinnaanngippat, sivikinnerpaamik akunnerni 72-ini inuttassarsiuussereernerup kingorna piginnittumut siumut nalunaaruteqaqqaarani taarsiisussaataaaffeqanngitsumillu qimmilerisumit toqunneqarsinnaavoq.

Imm. 3. Qimmeq pitussimanngitsoq kiisortuusooq imaluunniit tigussaasumik inunnut allanut navianartorsiortitsisuuooq qimmilerisup nalilerpagu, piginnittumut siumut nalunaaruteqaqqaarani taarsiisussaataaaffeqanngitsumilu qimmeq ingerlaannartumik toqunneqassaaq.

Kapitali 3

Qimminik qimuttoqarfuit avataanni aalajangersakkat

Qimmilivik.

§ 7. Piginnittumit allamik kissatigineqanngippat piginnittup illuata eqqaani qimmilivinnut inissamik kommunalbestyrelsi innersuussissaaq. Tassunga ilutigitillugu qimmit taakkulu inissisimaffiat nuna tamakkerlugu uumasunut paasissutissanik katersuivimmi nalunaarsorneqassapput.

Qimminik pitutsineq il.il.

§ 8. Qimmiaqqat arfinilinnik qaammateqalereersut tamarmik pitussimatinneqassapput, illup iluani ungalusaniluunniit mattusimatinneqassapput pituutaqartinneqassallutilluunniit.

Imm. 2. Illoqarfiup avataani sunngiffimmi sammisanut atorneqartuusunut qimminut sulinermit atorneqartunut politiinilluunniit atorneqartunut piumasaaqat atuutinnngilaq.

Imm. 3. Qimmit pituutaat minnerpaamik 5 meterinik takissuseqassaaq.

Kapitali 4

Qimminik qimuttoqarfuit iluanni aalajangersakkat

Qimmilivinnut immikkoortortat

§ 9. Ileqqoreqqusamut uunga nunap assinini 1-imiit 4-mut allaaserineqartutut immikkoortuni qimmiliveqarneq akuerisaavoq.

Imm. 2. Kommunip pilersaarutaani nunaannarmi immikkoortut ilaat M3 malillugit qeqertani qimmeqarfinni kommunalbestyrelsimit akuerisaasut ilaanni sikoqanngippat maajip aallaqqaataanniit septembarip 30-ata tungaanut qimmit inissinneqarsinnaapput.

Qimmilivik

§ 10. Qimminut qimuttunut qimmilivimmut inissamik qinnuteqartoqarnerata kingorna kommunalbestyrelsi qimmilivissamik innersuussisarpoq ilutigitillugu qimmit nuna tamakkerlugu uumasunut nalunaarsuivimmi nalunaarsorneqartarlutik.

Imm. 2. Qimmilivik qimminik qimuttunik qimmilivittut tulluurtuussaaq aammalu eqqaani najugaqarfinnut, suliffeqarfinnut paaqqinnittarfinnulluunniit pissusissamisuunngitsumik akornusersuutaassanani.

Imm. 3. Qimmiliviit ilusilersorneqarnissaannut Kommunilbestyrelsi tullinnguuttutugut piumasaaqateqarpoq:

1) qimmilivik eqqiluutsuutinneqarlunilu torersuutinneqassaaq,

2) quit containerilluunniit inissinneqarsimasut 15 m²-mit anginerussanngillat.

Imm. 4. Qeqertaq qimmiliviusoq allagartarsualiinermik ersarissumik ilisarnaaserneqassaaq.

Qimmilivimmik arsaarinnissuteqarneq

§ 11. Kommunalbestyrelsip akuersissut arsaarinnissutigisinnaavaa, ima pisoqarpat

- 1) qimmilivik siunertamut atorneqanngippat,
- 2) qimmilivimmut piunasaqaataasut atuuttuusut qimmiutilimmit malitinneqanngippata,
- 3) qimmilivik atorneerunnerani. Piginnittut nalunaarsorsimasoq kommunimit attaveqarfigineqarsinnaanngippat qimmilivik qaammatini marlunni qimmeqarsimanngippat arsaarinnissutigineqassaaq.
- 4) qimmilivik siunertanut allanut atorneqassaaq. Taamatut pisoqarnerani sivikinnerpaamik qaammatinik marlunnik ilimasaaruteqarnikkut qimmilivik arsaarinnissutigineqartoq kommunalbestyrelsip nalunaarutigissavaa qimmilivimmillu nutaamik innersuussisoqassasoq ilutigitilluglu kalunnernut pituffinnik ikkussuinisamut quinillu, qimmit inaannik atortunillu attuumassutilinnik allanik nuutsinissamut kommuni isumaginnissasoq.

Qimminik pitutsineq il.il.

§ 12. Qimmiaqqat arfinilinnik qaammateqalereersut tamarmik pitussimatinneqassapput, mattusimatinneqassapput, ungalusaniisneqassapput pituutaqartinneqassallutilluunniit.

Imm. 2. Illoqarfiup avataani sunngiffimmi sammisanut atorneqartuusunut qimminut sulinermi atorneqartunut politiinilluunniit atorneqartunut imaluunniit sikoqanngippat maajip aallaqqaataanniit septembarip 30-ata tungaanut qeqertani qimmilivinni qimmit inissinneqarsimasunut piunasaqaat atuutinngilaq.

Imm. 3. Qimmit pituutaat naannerpaamik 3 meterinik takissuseqassaaq.

Imm. 4. Qimmit ataasiakkaarlugit imaluunniit marlukkaarlugit pitoqqasut, pituutaq siaaqqatillugu, akornanni ungasissuseq naannerpaamik 1 meteriussaaq.

Imm. 5. Qimmit ataasiakkaarlutik qungasianni pituutaata sukagutaa minnerpaamik ataasiarluni kaajallassinnaassaaq kiisalu pituffiani sukagutaani minnerpaamik ataasiarluni kaajallassinnaassalluni.

Imm. 6. Qimmimik piginnittuusup qinnuiginninneratigut qimmilerisoq qimmip kalunnerinut ikkuffissanik pilersitsisinnaavoq. Qimmit marluugaangata pituffik ataaseq.

Kapitali 6

Naammagittaalliutit

§ 13. Qimmiliviit ilusilersorneqarnerallu qimmilivimmiluunniit pissutsit pillugit kommunalbestyrelsimut naammagittaalliortoqarsinnaavoq.

Kapitali 7
Nakkutilliineq

§ 14. Kommunalbestyrelsi nakkutilliinermut oqartussaavoq aammalu maleruaqqusamut matumunnga naapertuuttumik aalajangiinernut atorneqartussamut paasissutissanik pissarsiniarnermut sukkulluunniit kinaanermik uppenarsaanikkut eqqartuussivimmilluunniit akuersissutitaqanngitsumik pisortanut inuinnaallu illutaannut, sumiiffiinnut, angallassissutaannut allagaataannullu takunnissinnaalluni.

Kapitali 8
Kinguneqartitsinerit

§ 15. §§ 2, 4, 5 aamma 6, imm. 1, §§ 7, 8, imm. 1 aamma imm. 3, § 9, § 10, imm. 1, 3 aamma imm. 4, §11 kiisalu § 12 imm. 1 aamma imm. 3-5-imi aalaajangersakkani piumasqaataasunut malitsitsinissamut pisariaqartuusunut peqqussummik inerteqqussummilluunniit kommunalbestyrelsi nalunaaruteqarsinnaavoq.

Kapitali 9
Atortuulersitsineq

§ 16. Kommunalbestyrelsimit akuersissutigineqarneranit ullut 30-t qaangiunneranni maleruaqqusaq atuutilersinneqarpoq.
Imm. 2. Ilutigitillugu Qeqqata Kommuniata qimmiliviit pillugit ileqqoreqqusaa 11. februar 2015-imeersoq atorunnaarsinneqarpoq.
Imm. 3. Maleruaqqusamik matuminnga akuersissuteqarnek ilutigalugu ileqqoreqqusamut matumunnga nunap assingi ilanngussat 1-4 atuutilersinneqarput taamaalillunilu qimilivinnik pilersinneqareersunut atorneqarsinnaassanatik.
Imm. 4. Qeqqata Kommuniani kommunalbestyrelsimit ulloq xxx akuersissutigineqarpoq

Borgmesteri

Kommunimi pisortaaneq